

Članak 1.

U Zakonu o pripadnosti javnih prihoda na području Tuzlanskog kantona i financiranju Tuzlanskog kantona ("Službene novine Tuzlanskog kantona", br. 4/00, 3/01 i 7/01), u članku 7. stavak 2., na kraju alineje 1., brišu se navodnici i točka, a dodaje zarez i riječi "osim poreza na promet osnovnih proizvoda za građevinarstvo iz tarifnog broja 2 Tarife poreza na promet proizvoda".

U stavku 2., na kraju alineje 2., brišu se navodnici i točka, a dodaje se zarez i riječi "osim poreza na promet usluga u građevinarstvu".

U stavku 2., iza alineje 2., dodaje se nova alineja 3., koja glasi: "20% naplaćenog poreza na promet osnovnih proizvoda za građevinarstvo iz tarifnog broja 2 Tarife poreza na promet proizvoda i poreza na promet usluga u građevinarstvu".

Dosadašnje alineje tri i četiri postaju alineje četiri i pet.

Članak 2.

Ovaj Zakon stupa na snagu danom objavljivanja u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
TUZLANSKI KANTON
Sabor

Predsjednik
Sabora Tuzlanskog kantona

Dr. Izet Žigić, v.r.

Broj: 01-02-163-5/02
Tuzla, 3. 4. 2002. godine



77

Na osnovu poglavlja IV, odjeljak B, člana 33. stav 1. tačka e) Ustava Tuzlanskog kantona, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICE SA DJECOM

Proglašava se Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, koji je donijela Skupština Tuzlanskog kantona na sjednici od 3. 4. 2002. godine.

Broj: 01-320/02
Tuzla, 11. 4. 2002. godine

Predsjednik
Tuzlanskog kantona,
Mr. Selim Bešlić, v.r.

ZAKON

O IZMJENAMA I DOPUNAMA ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICE SA DJECOM

Član 1.

U članu 6. stav 2. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Tuzlanskog kantona", br. 12/00), iza riječi "prebivalište" upisati riječi "odnosno boravište u posljednjih 6 mjeseci."

Član 2.

U članu 7. riječ "Kantonu" zamjenjuje se riječima "Federaciji Bosne i Hercegovine".

Član 3.

Član 8. mijenja se i glasi:

"Nalaz i mišljenje o nesposobnosti za rad, nalaz i mišljenje o postojanju potrebe za njegom i pomoći od strane drugog lica, i nalaz i mišljenje o postojanju osnova za ostvarivanje prava na osposobljavanje za život i rad, daju u prvom stepenu, odnosno u drugom stepenu ljekarske komisije, koje obrazuje Ministarstvo za rad i socijalnu politiku Tuzlanskog kantona (u daljem tekstu: Ministarstvo), ili ljekarske komisije obrazovane od druge institucije, kojoj Ministarstvo povjeri davanje ovih nalaza sa mišljenjem, ako posebnim propisom nije drugačije određeno."

Član 4.

Član 9. mijenja se i glasi:

"Nalaz i mišljenje sa ocjenom sposobnosti djece ometene u fizičkom ili psihičkom razvoju, nalaz i mišljenje o postojanju potrebe za njegom i pomoći djeci od strane drugog lica, i nalaz i mišljenje o postojanju prava djece na osposobljavanje za život i rad, daju u prvom stepenu, odnosno drugom stepenu stručne komisije, koje obrazuje Ministarstvo ili stručne komisije obrazovane od druge institucije, kojoj Ministarstvo povjeri davanje ovih nalaza sa mišljenjem, ako posebnim propisom nije drugačije određeno."

Član 5.

Članovi 10. i 11. brišu se.

Član 6.

Član 12. mijenja se i glasi:

"Sastav i način rada komisije iz članova 8. i 9. ovog Zakona, u postupku ostvarivanja prava na stalnu novčanu pomoć, na novčanu naknadu za pomoć i njegu od strane drugog lica, i na osposobljavanje za život i rad, regulisat će se pravilnikom, kojeg donosi ministar za rad i socijalnu politiku Tuzlanskog kantona (u daljem tekstu: ministar)."

Član 7.

Član 20. briše se.

Član 8.

U članu 21. dodaje se stav 2. koji glasi:

"U smislu ovog Zakona, lice sa težim stepenom invaliditeta je ono lice kojem je neophodno potrebna stalna pomoć i njega drugog lica u smanjenom opsegu, dok je lice sa teškim stepenom invaliditeta ono lice kojem je pomoć i njega drugog lica neophodno potrebna u punom opsegu, a prema nalazu i mišljenju komisije iz članova 8. i 9. ovog Zakona."

Član 9.

Član 22. mijenja se i glasi:

"Naknada za pomoć i njegu za lica sa težim stepenom invaliditeta, utvrđuje se u visini od 20% prosječne plate. Naknada za pomoć i njegu za lica sa teškim stepenom invaliditeta, utvrđuje se u visini od 30% prosječne plate."

Član 10.

Član 24. mijenja se i glasi:

"Pravo na privremenu novčanu pomoć se priznaje za stanja socijalne potrebe, nastale uslijed teškoće izazvane pretrpljenom prisilnom migracijom, repatrijacijom ili elementarnom nepogodom.

Pravo na privremenu novčanu pomoć se priznaje sve dok stanje socijalne potrebe, uslijed teškoće izazvane uzrocima iz stava 1. ovog člana, traje."

Član 11.

Član 25. mijenja se i glasi:

"Pravo na jednokratnu novčanu pomoć se priznaje za stanja socijalne potrebe, nastale uslijed smrti jednog ili više članova

porodice, povratka sa liječenja, otpuštanja sa izdržavanja kazne zatvora ili izvršavanja odgojne mjere, te i za druga stanja socijalne potrebe, prema ocjeni centra za socijalni rad.

Pravo na jednokratnu novčanu pomoć može se priznati istom licu ili porodici najviše tri puta u toku kalendarske godine.”

Član 12.

U članu 26. dodaje se stav 2. koji glasi:

“Izuzetno, jednokratna novčana pomoć može se odobriti licu u stanju socijalne potrebe zbog teške bolesti i liječenja, s tim da ista ne može iznositi više od tri prosječne plate.”

Član 13.

U članu 27. riječ “dodjeljuje” zamjenjuje se sa riječi “odobrava”.

Član 14.

Član 30. briše se.

Član 15.

Član 33. mijenja se i glasi:

“Djeci, odnosno odraslim licima osposobljenim za rad pod uslovima utvrđenim ovim Zakonom pripada pravo na novčanu naknadu za vrijeme nezaposlenosti u visini 10% od prosječne plate, ukoliko to pravo ne ostvaruju po drugom osnovu.”

Član 16.

U članu 51. u stavu 1. riječ “NVO”, zamjenjuje se riječima “nevladinim organizacijama (u daljem tekstu: NVO)”.

Stav 3. mijenja se i glasi:

“Centar za socijalni rad za područje općine, osniva općinsko vijeće.”

Dodaje se novi stav 4, koji glasi:

“Izuzetno, centar za socijalni rad može se osnovati za područje dvije ili više općina, o čemu odluku donose općinska vijeća tih općina.”

Član 17.

Član 52. mijenja se i glasi:

“Centar za socijalni rad može početi sa radom ako, pored uslova iz člana 44. ovog Zakona, ima u radnom odnosu najmanje jednog diplomiranog socijalnog radnika, odnosno socijalnog radnika i jednog diplomiranog pravnika, odnosno pravnika.

Za obavljanje specifičnih poslova iz nadležnosti centra za socijalni rad, osigurat će se najmanje jedan osnovni stručni tim, sastavljen od stručnjaka iz slijedećih oblasti: socijalnog rada, psihologije, pedagogije, prava, defektologije, medicine i sociologije.”

Član 18.

Član 53. mijenja se i glasi:

“Sredstva za osnivanje i rad centra za socijalni rad obezbjeđuju se iz budžeta općina.”

Član 19.

Iza člana 53. dodaju se novi članovi 53a., 53b., 53c. i 53d. koji glase:

“Član 53a.

Centar za socijalni rad je javna ustanova, a na osnivanje, registraciju, djelatnost, prestanak rada i druga pitanja, primjenjuju se propisi o ustanovama, ako ovim Zakonom nije drugačije određeno.

Centar za socijalni rad ima svojstvo pravnog lica.

Član 53b.

Organ upravljanja u centru za socijalni rad je upravni odbor, a organ rukovođenja direktor.

Članove upravnog odbora imenuje osnivač na period od četiri godine.

Direktora centra za socijalni rad imenuje upravni odbor na osnovu provedenog konkursa, uz prethodnu saglasnost osnivača.

Za direktora centra za socijalni rad može biti imenovano lice koje posjeduje stručnu spremu iz oblasti utvrđenih u članu 52. ovog Zakona.

Član 53c.

Centar za socijalni rad obavlja slijedeće poslove:

- rješava u prvom stepenu zahtjeve za ostvarivanje prava iz socijalne zaštite, zaštite civilnih žrtava rata, zaštite porodice sa djecom i drugih prava, u skladu sa zakonom;
- otkriva, prati i proučava probleme i pojave iz oblasti socijalne, dječije i porodične zaštite;
- neposredno pruža usluge i oblike socijalne zaštite, zaštite civilnih žrtava rata i zaštite porodice sa djecom, otklanja posljedice stanja socijalnih potreba i problema koji su ustanovljeni kod korisnika;
- programira i planira ostvarivanje i razvoj socijalne zaštite na području općine;
- provodi aktivnosti koje se odnose na pružanje pomoći licima izloženim zlostavljanju i nasilju u porodici, u skladu sa zakonom;
- saraduje sa nadležnim institucijama na otkrivanju, identifikovanju i stručnom tretmanu ovisnika od alkohola i opojnih droga, u skladu sa zakonom;
- obavlja savjetodavni i savjetovanišni socijalni rad;
- obavlja poslove i ima ovlaštenja organa starateljstva utvrđene porodičnim zakonom, drugim zakonima i propisima;
- vodi propisanu evidenciju, prikuplja dokumentaciju o korisnicima socijalne zaštite, oblicima i uslugama socijalne zaštite, korisnicima civilnih žrtava rata i zaštiti porodice sa djecom;
- stručno razvija i unapređuje mrežu socijalnih partnerskih ustanova (vladinih i nevladinih);
- razvija i unapređuje alternativne, institucionalne i vaninstitucionalne oblike socijalne zaštite, oblike samopomoći, susjedske pomoći i druge vidove aktivnog odnosa građana na preveniranju, sprečavanju i saniranju životnih poteškoća svojih sugrađana, a naročito lica izloženih zlostavljanju i nasilju u porodici, starih lica bez porodičnog staranja, materijalno neosiguranih i za rad nesposobnih lica, lica sa invaliditetom i lica ometenih u fizičkom ili psihičkom razvoju, odgojno zanemarene ili zapuštene djece ili djece bez roditeljskog staranja i lica sa društveno negativnim ponašanjem;
- inicira i podržava organiziranje raznih socijalnih, pedagoških, psiholoških, pravnih i drugih savjetovaništa;
- saraduje sa građanima, mjesnim zajednicama, pravnim licima, udruženjima građana, pravosudnim organima i drugim organima i institucijama koji mogu doprinijeti unapređivanju kvaliteta socijalnog rada i socijalne zaštite;
- obavlja poslove iz oblasti socijalne zaštite, zaštite civilnih žrtava rata i zaštite porodice sa djecom za raseljena lica i izbjeglice koji su mu povjereni;
- inicira kod Ministarstva organizovanje supervizije u oblasti socijalnog rada angažovanjem lica, koja su educirana za supervizore sa ciljem kontinuiranog stručnog razvoja i unapređenja socijalnog rada;
- obavlja i druge poslove i zadatke, u skladu sa zakonom i na zakonu zasnovanom odlukom općinskog vijeća.

Član 53d.

Poslove i zadatke iz svoje osnovne djelatnosti centar za socijalni rad izvršava, po pravilu putem stručnog tima za pojedine oblasti iz osnovne djelatnosti centra.

Ministar će, posebnim pravilnikom, propisati uslove, koji se odnose na sastav i rad stručnog tima, te prostor i opremu za rad centara za socijalni rad.”

Član 20.

Iza člana 53. podnaslov “10b. Zavod za proučavanje pojava i problema u oblasti socijalne zaštite, zaštite civilnih žrtava rata i zaštite porodice sa djecom Tuzlanskog kantona”, mijenja se i glasi: “10b. Zavod za socijalnu zaštitu Tuzlanskog kantona”.

Član 21.

Član 54. mijenja se i glasi:

“Radi unapređenja djelatnosti u oblasti socijalne zaštite, zaštite civilnih žrtava rata i zaštite porodice sa djecom, na području Kantona, Skupština Kantona osniva Zavod za socijalnu zaštitu Tuzlanskog kantona, za vršenje poslova:

- planiranja, prikupljanja i raspoređivanja sredstva za potrebe socijalne zaštite, zaštite civilnih žrtava rata i zaštite porodice sa djecom iz doprinosa, budžeta Kantona i drugih izvora, u skladu sa zakonom;
- utvrđivanja kriterija i mjera za korištenje sredstava namijenjenih za sufinansiranje djelatnosti ustanova u oblasti socijalne i dječije zaštite, u skladu sa zakonom;
- razvijanja i koordiniranja mreže institucija sistema socijalne zaštite, a naročito humanitarnih, karitativnih, neprofitnih organizacija i ustanova nevladinog sektora;
- pružanja stručne pomoći i koordiniranja rada centara za socijalni rad na Kantonu i drugih ustanova socijalne zaštite;
- praćenja i proučavanja pojava i problema u oblasti socijalne zaštite, te učestvovanja u izradi socijalnog programa;
- vršenja i drugih poslova utvrđenih zakonom, drugim propisima i općim aktima.”

Član 22.

Iza člana 74. podnaslov “10.k.supervizija” i članovi 75., 76., 77. i 78., brišu se.

Član 23.

Član 97. stav 1. mijenja se i glasi:

“Dječiji dodatak, za djecu čiji su roditelji zaposleni, isplaćuje iz svojih sredstava poslodavac kod kojeg je roditelj u radnom odnosu.”

Član 24.

Član 99. stav 1. mijenja se i glasi:

“Naknada plate, iz člana 98. ovog Zakona, utvrđuje se u iznosu od 90% ostvarene prosječne plate korisnika u periodu od 6 mjeseci prije porođaja ili u iznosu od 55% prosječne plate ostvarene u istom periodu, ako je to za korisnika povoljnije.”

Iza stava 1. dodaje se novi stav 2., koji glasi:

“Naknada plate, iz prethodnog stava, će se valorizovati svaka tri mjeseca sa rastom prosječne plate većim od 5%, s tim da naknada ne može biti niža od 55% prosječne plate”.

Dosadašnji stavovi 2. i 3. postaju stavovi 3. i 4.

Član 25.

Iza člana 99. dodaje se novi član 99a., koji glasi:

“Član 99a.

Na iznos naknade plate ženi - majci, odnosno drugim korisnicima prava iz člana 98. ovog Zakona, uplaćuju se i doprinosi za penzijsko i invalidsko osiguranje, zdravstveno osiguranje, osiguranje od nezaposlenosti i drugi propisani doprinosi i porezi, u skladu sa zakonom.

Obračun i isplatu naknade plate ženi - majci, odnosno drugom korisniku prava, poslodavac je dužan vršiti svakog mjeseca uz isplatu plaće zaposlenicima ili zasebno.

Naknada plate ženi - majci, odnosno drugom korisniku prava, pripada samo za dane za koje bi mu pripadala plata, u smislu propisa o radu.”

Član 26.

Član 100. mijenja se i glasi:

“Novčanu pomoć za vrijeme trudnoće i porođaja žena - majka, odnosno otac djeteta u slučaju smrti majke, ako majka napusti dijete ili, ako je majka iz opravdanih razloga spriječena da koristi ovo pravo, ili usvojlac ili staralac koji nije u radnom odnosu, ostvaruje putem centra za socijalni rad, a po zahtjevu žene - majke, odnosno drugog lica koje po odredbama ovog člana, pod određenim okolnostima ima pravo na novčanu pomoć.

Novčana pomoć, iz prethodnog stava, ostvaruje se u periodu od godinu dana od dana porođaja.

Ako je korisnik podnio zahtjev za novčanu pomoć iz stava 1. ovog člana u roku od 60 dana od dana porođaja, novčana pomoć mu pripada od dana porođaja, a ako je zahtjev podnio poslije isteka navedenog roka, novčana pomoć mu pripada od dana podnošenja zahtjeva”.

Član 27.

U članu 114. dodaje se stav 2. koji glasi:

“Izuzetno, pravo na naknadu umjesto plate ženi - majci, odnosno drugom licu u radnom odnosu za vrijeme dok odsustvuje s posla radi trudnoće, porođaja i njege djeteta, pripada od dana sticanja ovog prava.”

Član 28.

U članu 120. stav 3. riječi “koji nije centar za socijalni rad ili općinska služba” zamjenjuju se riječima “koji nije korisnik budžeta Kantona”.

Član 29.

Član 128. mijenja se i glasi:

“U roku od 60 dana od dana stupanja na snagu ovog Zakona, općinsko vijeće je dužno da donese, odnosno uskladi, akt o osnivanju centra za socijalni rad, u skladu sa ovim Zakonom.

Postojeći centri za socijalni rad nastavljaju sa radom do donošenja osnivačkog akta iz stava 1. ovog člana, s tim što su dužni da, svoju organizaciju i opće akte, usklade sa ovim Zakonom u roku od 90 dana od dana donošenja osnivačkog akta.

Direktori centara za socijalni rad, koji su izabrani po prethodno važećim propisima, ostaju na tom mjestu do isteka mandata”.

Član 30.

Član 130. briše se.

Član 31.

Član 131. mijenja se i glasi:

“Ministar će, u roku od tri mjeseca od dana stupanja na snagu ovog Zakona, donijeti propise iz svoje nadležnosti utvrđene ovim Zakonom.

Do donošenja propisa, iz stava 1. ovog člana, primjenjuju se odredbe postojećih propisa, koje nisu u suprotnosti sa ovim Zakonom”.

Član 32.

Ovaj Zakon stupa na snagu osmog dana od dana objavljivanja u “Službenim novinama Tuzlanskog kantona”.

Bosna i Hercegovina
Federacija Bosne i Hercegovine
TUZLANSKI KANTON
Skupština

Predsjednik
Skupštine Tuzlanskog kantona

Dr. Izet Žigić, v.r.

Broj: 01-02-471-32/02
Tuzla, 3. 4. 2002. godine

77

Na temelju poglavlja IV, odjeljak B, članka 33. stavak 1. točka e) Ustava Tuzlanskog kantona, donosim

UKAZ

**O PROGLAŠENJU ZAKONA O IZMJENAMA
I DOPUNAMA ZAKONA O SOCIJALNOJ ZAŠTITI,
ZAŠTITI CIVILNIH ŽRTAVA RATA I ZAŠTITI
OBITELJI SA DJECOM**

Proglašava se Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštiti obitelji sa djecom, koji je donio Sabor Tuzlanskog kantona na sjednici od 3. 4. 2002. godine.

Broj: 01-320/02
Tuzla, 11. 4. 2002. godine

Predsjednik
Tuzlanskog kantona,
Mr. Selim Bešlić, v.r.

ZAKON

**O IZMJENAMA I DOPUNAMA ZAKONA O
SOCIJALNOJ ZAŠTITI, ZAŠTITI CIVILNIH ŽRTAVA
RATA I ZAŠTITI OBITELJI SA DJECOM**

Članak 1.

U članku 6. stavak 2. Zakona o socijalnoj zaštiti, zaštiti civilnih žrtava rata i zaštiti obitelji sa djecom ("Službene novine Tuzlanskog kantona", br. 12/00), iza riječi "prebivalište" upisati riječi "odnosno boravište u posljednjih 6 mjeseci."

Članak 2.

U članku 7. riječ "Kantonu" zamjenjuje se riječima "Federaciji Bosne i Hercegovine".

Članak 3.

Članak 8. mijenja se i glasi:

"Nalaz i mišljenje o nesposobnosti za rad, nalaz i mišljenje o postojanju potrebe za njegovom i pomoći od strane druge osobe, i nalaz i mišljenje o postojanju osnova za ostvarivanje prava na osposobljavanje za život i rad, daju u prvom stupnju, odnosno u drugom stupnju ljekarske komisije, koje obrazuje Ministarstvo za rad i socijalnu politiku Tuzlanskog kantona (u daljem tekstu: Ministarstvo), ili ljekarske komisije obrazovane od druge institucije, kojoj Ministarstvo povjeri davanje ovih nalaza sa mišljenjem, ako posebnim propisom nije drugačije određeno."

Članak 4.

Članak 9. mijenja se i glasi:

"Nalaz i mišljenje sa ocjenom sposobnosti djece ometene u fizičkom ili psihičkom razvoju, nalaz i mišljenje o postojanju potrebe za njegovom i pomoći djeci od strane druge osobe, i nalaz i mišljenje o postojanju prava djece na osposobljavanje za život i rad, daju u prvom stupnju, odnosno drugom stupnju stručne komisije, koje obrazuje Ministarstvo ili stručne komisije obrazovane od druge institucije, kojoj Ministarstvo povjeri davanje ovih nalaza sa mišljenjem, ako posebnim propisom nije drugačije određeno."

Članak 5.

Članci 10. i 11. brišu se.

Članak 6.

Članak 12. mijenja se i glasi:

"Sastav i način rada komisije iz članaka 8. i 9. ovog Zakona, u postupku ostvarivanja prava na stalnu novčanu pomoć, na

novčanu naknadu za pomoć i njegu od strane druge osobe, i na osposobljavanje za život i rad, regulirat će se pravilnikom, kojeg donosi ministar za rad i socijalnu politiku Tuzlanskog kantona (u daljem tekstu: ministar)."

Članak 7.

Članak 20. briše se.

Članak 8.

U članku 21. dodaje se stavak 2. koji glasi:

"U smislu ovog Zakona, osoba sa težim stupnjem invaliditeta je ona osoba kojoj je neophodno potrebna stalna pomoć i njega druge osobe u smanjenom opsegu, dok je osoba sa teškim stupnjem invaliditeta ona osoba kojoj je pomoć i njega druge osobe neophodno potrebna u punom opsegu, a prema nalazu i mišljenju komisije iz članaka 8. i 9. ovog Zakona."

Članak 9.

Članak 22. mijenja se i glasi:

"Naknada za pomoć i njegu za osobe sa težim stupnjem invaliditeta, utvrđuje se u visini od 20% prosječne plaće.

Naknada za pomoć i njegu za osobe sa teškim stupnjem invaliditeta, utvrđuje se u visini od 30% prosječne plaće."

Članak 10.

Članak 24. mijenja se i glasi:

"Pravo na privremenu novčanu pomoć se priznaje za stanja socijalne potrebe, nastale uslijed teškoće izazvane pretrpljenom prisilnom migracijom, repatriacijom ili elementarnom nepogodom.

Pravo na privremenu novčanu pomoć se priznaje sve dok stanje socijalne potrebe, uslijed teškoće izazvane uzrocima iz stavka 1. ovog članka, traje."

Članak 11.

Članak 25. mijenja se i glasi:

"Pravo na jednokratnu novčanu pomoć se priznaje za stanja socijalne potrebe, nastale uslijed smrti jednog ili više članova obitelji, povratka s liječenja, otpuštanja sa izdržavanja kazne zatvora ili izvršavanja odgojne mjere, te i za druga stanja socijalne potrebe, prema ocjeni centra za socijalni rad.

Pravo na jednokratnu novčanu pomoć može se priznati istoj osobi ili obitelji najviše tri puta tijekom kalendarske godine."

Članak 12.

U članku 26. dodaje se stavak 2. koji glasi:

"Iznimno, jednokratna novčana pomoć može se odobriti osobi u stanju socijalne potrebe zbog teške bolesti i liječenja, s tim da ista ne može iznositi više od tri prosječne plaće."

Članak 13.

U članku 27. riječ "dodjeljuje" zamjenjuje se sa riječi "odobrava".

Članak 14.

Članak 30. briše se.

Članak 15.

Članak 33. mijenja se i glasi:

"Djeci, odnosno odraslim osobama osposobljenim za rad pod uvjetima utvrđenim ovim Zakonom, pripada pravo na novčanu naknadu za vrijeme nezaposlenosti u visini 10% od prosječne plaće, ukoliko to pravo ne ostvaruju po drugom osnovu."

Članak 16.

U članku 51. u stavku 1. riječ "NVO", zamjenjuje se riječima "nevladinim organizacijama (u daljem tekstu: NVO)".

Stavak 3. mijenja se i glasi:

"Centar za socijalni rad za područje općine, utemeljuje općinsko vijeće."

Dodaje se novi stavak 4, koji glasi:

"Iznimno, centar za socijalni rad može se utemeljiti za područje dvije ili više općina, o čemu odluku donose općinska vijeća tih općina."

Članak 17.

Članak 52. mijenja se i glasi:

"Centar za socijalni rad može početi sa radom ako, pored uvjeta iz članka 44. ovog Zakona, ima u radnom odnosu najmanje jednog diplomiranog socijalnog uposlenika, odnosno socijalnog uposlenika i jednog diplomiranog pravnika, odnosno pravnika.

Za obavljanje specifičnih poslova iz nadležnosti centra za socijalni rad, osigurat će se najmanje jedan osnovni stručni tim, sastavljen od stručnjaka iz slijedećih oblasti: socijalnog rada, psihologije, pedagogije, prava, defektologije, medicine i sociologije."

Članak 18.

Članak 53. mijenja se i glasi:

"Sredstva za utemeljenje i rad centra za socijalni rad obezbjeđuju se iz proračuna općina."

Članak 19.

Iza članka 53. dodaju se novi članci 53a., 53b., 53c. i 53d. koji glase:

"Članak 53a.

Centar za socijalni rad je javna ustanova, a na utemeljenje, registriranje, djelatnost, prestanak rada i druga pitanja, primjenjuju se propisi o ustanovama, ako ovim Zakonom nije drugačije određeno.

Centar za socijalni rad ima svojstvo pravne osobe.

Članak 53b.

Organ upravljanja u centru za socijalni rad je upravni odbor, a organ rukovođenja ravnatelj.

Članove upravnog odbora imenuje utemeljitelj na period od četiri godine.

Ravnatelja centra za socijalni rad imenuje upravni odbor na temelju provedenog natječaja, uz prethodnu suglasnost utemeljitelja.

Za ravnatelja centra za socijalni rad može biti imenovana osoba koja posjeduje stručnu spremu iz oblasti utvrđenih u članku 52. ovog Zakona.

Članak 53c.

Centar za socijalni rad obavlja slijedeće poslove:

- rješava u prvom stupnju zahtjeve za ostvarivanje prava iz socijalne zaštite, zaštite civilnih žrtava rata, zaštite obitelji s djecom i drugih prava, sukladno zakonu;

- otkriva, prati i proučava probleme i pojave iz oblasti socijalne, dječije i obiteljske zaštite;

- neposredno pruža usluge i oblike socijalne zaštite, zaštite civilnih žrtava rata i zaštite obitelji sa djecom, otklanja posljedice stanja socijalnih potreba i problema koji su ustanovljeni kod korisnika;

- programira i planira ostvarivanje i razvoj socijalne zaštite na području općine;

- provodi aktivnosti koje se odnose na pružanje pomoći osobama izloženim zlostavljanju i nasilju u obitelji, sukladno zakonu;
- surađuje sa nadležnim institucijama na otkrivanju, identifikovanju i stručnom tretmanu ovisnika od alkohola i opojnih droga, sukladno zakonu;

- obavlja savjetodavni i savjetovanišni socijalni rad;
- obavlja poslove i ima ovlaštenja organa starateljstva utvrđene obiteljskim zakonom, drugim zakonima i propisima;

- vodi propisanu evidenciju, prikuplja dokumentaciju o korisnicima socijalne zaštite, oblicima i uslugama socijalne zaštite, korisnicima civilnih žrtava rata i zaštiti obitelji sa djecom;

- stručno razvija i unapređuje mrežu socijalnih partnerskih ustanova (vladinih i nevladinih);

- razvija i unapređuje alternativne, institucionalne i izvan-institucionalne oblike socijalne zaštite, oblike samopomoći, susjedске pomoći i druge vidove aktivnog odnosa građana na preveniranju, sprečavanju i saniranju životnih poteškoća svojih sugrađana, a naročito osoba izloženih zlostavljanju i nasilju u obitelji, starih osoba bez obiteljskog staranja, materijalno neosiguranih i za rad nesposobnih osoba, osoba sa invaliditetom i osoba ometenih u fizičkom ili psihičkom razvoju, odgojno zanemarene ili zapuštene djece ili djece bez roditeljskog staranja i osoba sa društveno negativnim ponašanjem;

- inicira i podržava organiziranje raznih socijalnih, pedagoških, psiholoških, pravnih i drugih savjetovaništa;

- surađuje sa građanima, mjesnim zajednicama, pravnim osobama, udrugama građana, pravosudnim organima i drugim organima i institucijama koji mogu doprinijeti unapređivanju kvaliteta socijalnog rada i socijalne zaštite;

- obavlja poslove iz oblasti socijalne zaštite, zaštite civilnih žrtava rata i zaštite obitelji s djecom za raseljene osobe i izbjeglice koji su mu povjereni;

- inicira kod Ministarstva organiziranje supervizije u oblasti socijalnog rada angažovanjem osoba, koje su educirane za supervizore sa ciljem kontinuiranog stručnog razvoja i unapređenja socijalnog rada;

- obavlja i druge poslove i zadatke, sukladno zakonu i na zakonu zasnovanom odlukom općinskog vijeća.

Članak 53d.

Poslove i zadatke iz svoje temeljne djelatnosti centar za socijalni rad izvršava, po pravilu putem stručnog tima za pojedine oblasti iz temeljne djelatnosti centra.

Ministar će, posebnim pravilnikom, propisati uvjete, koji se odnose na sastav i rad stručnog tima, te prostor i opremu za rad centara za socijalni rad."

Članak 20.

Iza članka 53. podnaslov "10b. Zavod za proučavanje pojava i problema u oblasti socijalne zaštite, zaštite civilnih žrtava rata i zaštite obitelji s djecom Tuzlanskog kantona", mijenja se i glasi: "10b. Zavod za socijalnu zaštitu Tuzlanskog kantona".

Članak 21.

Članak 54. mijenja se i glasi:

"Radi unapređenja djelatnosti u oblasti socijalne zaštite, zaštite civilnih žrtava rata i zaštite obitelji s djecom, na području Kantona, Sabor Kantona utemeljuje Zavod za socijalnu zaštitu Tuzlanskog kantona, za vršenje poslova:

- planiranja, prikupljanja i raspoređivanja sredstva za potrebe socijalne zaštite, zaštite civilnih žrtava rata i zaštite obitelji sa djecom iz doprinosa, proračuna Kantona i drugih izvora, sukladno zakonu;

- utvrđivanja kriterija i mjera za korišćenje sredstava namijenjenih za sufinansiranje djelatnosti ustanova u oblasti socijalne i dječije zaštite, sukladno zakonu;

- razvijanja i koordiniranja mreže institucija sustava socijalne zaštite, a naročito humanitarnih, karitativnih, neprofitnih organizacija i ustanova nevladinog sektora;

- pružanja stručne pomoći i koordiniranja rada centara za socijalni rad na Kantonu i drugih ustanova socijalne zaštite;

- praćenja i proučavanja pojava i problema u oblasti socijalne zaštite, te učestvovanja u izradi socijalnog programa;

- vršenje i drugih poslova utvrđenih zakonom, drugim propisima i općim aktima.”

Članak 22.

Iza članka 74. podnaslov “10.k.supervizija” i članci 75., 76., 77. i 78., brišu se.

Članak 23.

Članak 97. stavak 1. mijenja se i glasi:

“Dječiji dodatak, za djecu čiji su roditelji uposleni, isplaćuje iz svojih sredstava poslodavac kod kojeg je roditelj u radnom odnosu.”

Članak 24.

Članak 99. stavak 1. mijenja se i glasi:

“Naknada plaće, iz članka 98. ovog Zakona, utvrđuje se u iznosu od 90% ostvarene prosječne plaće korisnika u periodu od 6 mjeseci prije porođaja ili u iznosu od 55% prosječne plaće ostvarene u istom periodu, ako je to za korisnika povoljnije.”

Iza stavka 1. dodaje se novi stavak 2. koji glasi:

“Naknada plaće, iz prethodnog stavka, će se valorizirati svaka tri mjeseca sa rastom prosječne plaće većim od 5%, s tim da naknada ne može biti niža od 55% prosječne plaće”.

Dosadašnji stavci 2. i 3. postaju stavci 3. i 4.

Članak 25.

Iza članka 99. dodaje se novi članak 99a., koji glasi:

“Članak 99a.

Na iznos naknade plaće ženi - majci, odnosno drugim korisnicima prava iz članka 98. ovog Zakona, uplaćuju se i doprinosi za mirovinsko i invalidsko osiguranje, zdravstveno osiguranje, osiguranje od nezaposlenosti i drugi propisani doprinosi i porezi, sukladno zakonu.

Obračun i isplatu naknade plaće ženi - majci, odnosno drugom korisniku prava, poslodavac je dužan vršiti svakog mjeseca uz isplatu plaće uposlenicima ili zasebno.

Naknada plaće ženi - majci, odnosno drugom korisniku prava, pripada samo za dane za koje bi mu pripadala plaća, u smislu propisa o radu.”

Članak 26.

Članak 100. mijenja se i glasi:

“Novčanu pomoć za vrijeme trudnoće i porođaja žena - majka, odnosno otac djeteta u slučaju smrti majke, ako majka napusti dijete ili, ako je majka iz opravdanih razloga spriječena da koristi ovo pravo, ili usvojitelj ili staratelj, koji nije u radnom odnosu, ostvaruje putem centra za socijalni rad, a po zahtjevu žene - majke, odnosno druge osobe koje po odredbama ovog članka, pod određenim okolnostima, ima pravo na novčanu pomoć.

Novčana pomoć, iz prethodnog stavka, ostvaruje se u periodu od godinu dana od dana porođaja.

Ako je korisnik podnio zahtjev za novčanu pomoć iz stavka 1. ovog članka u roku od 60 dana od dana porođaja, novčana pomoć mu pripada od dana porođaja, a ako je zahtjev podnio poslije isteka navedenog roka, novčana pomoć mu pripada od dana podnošenja zahtjeva”.

Članak 27.

U članku 114. dodaje se stavak 2. koji glasi:

“Iznimno, pravo na naknadu umjesto plaće ženi - majci, odnosno drugoj osobi u radnom odnosu za vrijeme dok odsustvuje s posla radi trudnoće, porođaja i njege djeteta, pripada od dana stjecanja ovog prava.”

Članak 28.

U članku 120. stavak 3. riječi “koji nije centar za socijalni rad ili općinska služba” zamjenjuju se riječima “koji nije korisnik proračuna Kantona”.

Članak 29.

Članak 128. mijenja se i glasi:

“U roku od 60 dana od dana stupanja na snagu ovog Zakona, općinsko vijeće je dužno da donese, odnosno uskladi, akt o utemeljenju centra za socijalni rad, sukladno ovom Zakonu.

Postojeći centri za socijalni rad nastavljaju sa radom do donošenja utemeljivačkog akta iz stavka 1. ovog članka, s tim što su dužni da, svoju organizaciju i opće akte, suklade ovom Zakonu u roku od 90 dana od dana donošenja utemeljivačkog akta.

Ravnatelji centara za socijalni rad, koji su izabrani po prethodno važećim propisima, ostaju na tom mjestu do isteka mandata”.

Članak 30.

Članak 130. briše se.

Članak 31.

Članak 131. mijenja se i glasi:

“Ministar će u roku od tri mjeseca od dana stupanja na snagu ovog Zakona, donijeti propise iz svoje nadležnosti utvrđene ovim Zakonom.

Do donošenja propisa, iz stavka 1. ovog članka, primjenjuju se odredbe postojećih propisa, koje nisu u suprotnosti sa ovim Zakonom”.

Članak 32.

Ovaj Zakon stupa na snagu osmog dana od dana objavljivanja u “Službenim novinama Tuzlanskog kantona”.

Bosna i Hercegovina
 Federacija Bosne i Hercegovine
 TUZLANSKI KANTON
 Sabor
 Broj: 01-02-471-32/02
 Tuzla, 3. 4. 2002. godine

Predsjednik
 Sabora Tuzlanskog kantona
Dr. Izet Žigić, v.r.

78

Na osnovu člana 24. stav 1. tačka c) Ustava Tuzlanskog kantona (“Službene novine Tuzlansko-podrinjskog kantona”, br. 7/97 i 3/99 i “Službene novine Tuzlanskog kantona”, br. 13/99 i 10/00), a u vezi sa članom 68. stav 3. Zakona o visokom obrazovanju (“Službene novine Tuzlanskog kantona”, br. 10/99 i 15/00), na prijedlog Vlade Tuzlanskog kantona, Skupština Tuzlanskog kantona, na sjednici održanoj 3. 4. 2002. godine, donosi

ODLUKU

O DAVANJU SAGLASNOSTI NA ODLUKU O VISINI PARTICIPACIJE STUDENATA U TROŠKOVIMA STUDIJA ZA OBNOVU STUDIJSKE GODINE U ŠKOLSKOJ 2001/2002. GODINI